

THESES

QUAS

EX UNIVERSA S. THEOLOGIA

AD LAUREAM IN EADEM PROMERENDAM

IN CELEBERRIMA I. R. STUDIORUM UNIVERSITATE

PATAVINA

JOSEPH TRENTIN

DIOECESEOS TARVISINÆ SACERDOS

IN EJUDEM SEMINARIO S. S. CANONUM PROFESSOR ET URBANÆ ECCLESIAE S. VITI

VIGARIUS PERPETUUS

DEFENDENDAS ASSUMIT

Die 12 Mensis Decembris 1850



PATAVII

TYP. ANTONII BIANCHI

al Santo.

2
1



EX ARCHAEOLOGIA BIBLICA

I.

Cognitio antiquitatum hebraicarum non minus jucunda, quam necessaria est interpreti Sacrarum Scripturarum.

II.

Jus talionis antiquitus fuit medium efficacissimum ut homines abstinerent a laesionibus.

III.

Hebraeorum forma regiminis theocratica tempore regum non desiit.

IV.

In exilio Babylonico Judaei apud Prophetas vel apud homines pios conveniebant.

V.

Cubitus sumptus ut mensura longitudinis quadri-fariam dividitur: nempe in communem, in sacrum, in regium, atque in geometricum.

VI.

Οὐδός Σαββάτου est mensura bis mille passuum minorum.

EX INTRODUCTIONE IN LIBROS
VETERIS FOEDERIS

I.

Origo linguarum, quae semiticae vocantur, in agro Babylonensi est quaerenda.

II.

Omnino futile est asserere codices veteris Testamenti in Templi et Urbis excidio consumptos igne fuisse, atque ab Esdra aut ab Helcia Pontifice exaratos sicuti nunc extant.

III.

Auctoritas Textus Hebraici magna est, non ea tamen, quae illum ab omni critico vitio eximat.

IV.

Versio 70 Seniorum est omnium quae extant antiquissima.

V.

Moses est auctor Pentateuchi.

VI.

Non ideo quia paraphrastes Chaldaeus dicit Nahum prophetam מְבִית הוֹשִׁי, defendi potest Choschi esse parentem Nahumi.

EX HERMENEUTICA BIBLICA

I.

Licet Catholico interpreti sacros Libros ex idioma-
te originali interpretari, quin Decretum Conci-
lii Tridentini Sessione IV. violetur.

II.

Scripturae Sanctae non omnibus sunt obviae et
apertae, sed expositione egent, tum ob lingua-
rum diversitatem, tum maxime ob reconditos
sensus.

III.

Scriptura cum Traditione perpetua conjungi oportet, neutra ab altera sejungi.

IV.

Pro vera et genuina illa habeatur lectio, quae cum
antecedentibus et consequentibus et cum locis
parallelis consentit, et analogiae fidei consona
est, et cum aliis bonae fidei codicibus concor-
dat, atque ex antiquis Patrum scriptis corrobora-
ratur.

V.

Valde est utile ad intelligentiam Scripturae Sacrae nosse loquendi modos Hebraeis et Hellenistis usitatos.

VI.

Litteralis Scripturae sensus in varias classes dividendus.

EX INTRODUCTIONE IN LIBROS NOVI FOEDERIS

I.

Omnes Novi Foederis Libri integri sunt.

II.

S. Scriptores N. F. plerumque verba Scripturae allegant juxta versionem 70.

III.

Jure optimo Libri hagiographi de vita et de actionibus divini Salvatoris donati fuerunt Evangeliorum nomine.

IV.

Serior nonnullorum Librorum in Canonem receptio, nihil eorum auctoritati detrahit.

V.

Matthaeus in suo Evangelio praeceptum habuit finem adstruendi Jesum Christum esse verum Messiam a Prophetis praedictum.

VI.

Illa Matthaei cap. 18. ver. 7. ἀνάγκη γὰρ ἐστίν" εἰθεῖν τὰ σκάνδαλα non absolute, sed relative ut vera sunt accipienda.

EX HISTORIA ECCLESIASTICA

I.

Studium Historiae Ecclesiasticae etiam juvat, ut certi efficiamur de divina Religionis et Ecclesiae nostrae origine.

II.

Lapsus Marcellini et Synodus Sinuessana sunt commentitia, et multum abhorrent a veritate historica.

III.

Quin Semiarianismo studerent, nonnulli inter Catholicos Episcopos fuerunt, qui respuentes vocem *ἁμοούσιον*, asseruerunt Filium Dei *ὁμοιούσιον* Patri.

IV.

Origo Patriarchatus Aquilejensis repetenda est ex abrupta communione cum Sede Romana in causa trium Capitulorum.

V.

Historia Concilii Tridentini scripta a Petro Soave Polano ubique scatet erroribus.

VI.

Carolus Botta nitida quidem phrasi, sed animo haud aequo enarrat gesta Romanorum Pontificum.

EX JURE CANONICO

I.

Jus Naturale est via ad Jus Ecclesiasticum, ut ratio ad fidem, ut religio naturalis ad revelatam.

II.

Illud Puffendorffii de Ecclesia in Statu sophisma nihil concludit contra Ecclesiae potestatem legislatoriam, judicariam atque executivam.

III.

Episcoporum divinum jus est curare ut religiosa et moralis evadat educatio.

IV.

Falsum est ex Isidoriana fraude aliena jura accrevisse Romano Pontifici.

V.

Beneficiati obligantur ex justitia erogare in pias causas redditus beneficiales, qui in congruam sustentationem non impenduntur.

VI.

Penes Ecclesiam est jure proprio et intrinseco statuere impedimenta matrimonium dirimentia.

EX THEOLOGIA DOGMATICA

I.

Theologia dogmatica est scientia, et quidem omnium nobilissima atque certissima.

II.

Conclusio theologica expositiva est de fide, non vero illativa.

III.

Essentia Dei metaphysica est Asseitas.

IV.

Sacrarum Scripturarum oraculis luculentissime probatur, Protoparentum peccatum transfundi in omnes, qui carnali generatione ab Adamo descendunt.

V.

Justitia originalis non est confundenda cum gratia sanctificante.

VI.

Justus cum auxilio gratiae actualis non potest toto vitae cursu vitare omnia et singula peccata venialia.

EX THEOLOGIA MORALI

I.

Ethica Christiana philosophicam facile antecellit.

II.

Non datur generatim ignorantia invincibilis circa prima principia et circa conclusiones quae proxime deducuntur ex primis principiis.

III.

Haud extant leges mere poenales, quae solum obligent sub poena, non vero sub culpa.

IV.

Caute procedendum est in quaestione de usura.

V.

Praeceptum de correctione fraterna se se extendit ad omnes, ast non obligat nisi in datis circumstantiis.

VI.

Ministri Sacramenti Matrimonii sunt ipsi contrahentes.

EX THEOLOGIA PASTORALI.

I.

Omnes sacrae disciplinae eo tendunt ut bonum animarum Curatorem instituant.

II.

Ille dicitur Pastor, qui suas oves agnoscit, easque verbi divini praedicatione, Sacramentorum administratione ac bonorum omnium exemplo pascit.

III.

Cognitio specialis humanarum adfectionum Parocho est imprimis necessaria.

IV.

Capellani non sunt mancipia, neque operae conductae, sed fratres coadjutores amantissime educandi ad curam animarum.

V.

Pastor in tradenda doctrina utatur ea dialecto, quae ad captum multitudinis sit accommodata.

VI.

Prosperitas etiam temporalis familiarum cordi debet esse Parocho.